



Na osnovu člana 69. stav 2. tačka e), člana 70. st. 1. 4. i 6. i člana 100. stav 3. Zakona o javnim nabavkama („Sl. glasnik BiH“, broj 39/14), u otvorenom postupku za izgradnju “Eko kuće” Smetovi, Gradonačelnik donosi:

ODLUKU
o poništenju postupka javne nabavke za izgradnju “Eko kuće” Smetovi

Član 1.

Ugovorni organ postupajući po članu 100. stav 3. Zakona o javnim nabavkama, usvojio žalbe ponuđača „UNIPROJEKT“ komerc inženjering d.o.o. Zenica, grupe ponuđača “INTER-COM” d.o.o. Zenica i „MEGAGRADNJA“ d.o.o. Zenica, i “ALMY GRADNJA” d.o.o. Zenica, podnesene na Odluku o izboru najpovoljnijeg ponuđača broj: 02-11-19553-2/20 od 21.09.2020. godine, čime je odbacio ponude ponuđača „UNIPROJEKT“ komerc inženjering d.o.o. Zenica, „ALMY GRADNJA“ d.o.o. Zenica, grupe ponuđača “INTER-COM” d.o.o. Zenica i „MEGAGRADNJA“ d.o.o. Zenica kao neprihvatljive.

Poništava se otvoreni postupak za izgradnju “Eko kuće” Smetovi u skladu sa članom 69. stav 2. tačka e) Zakona o javnim nabavkama, iz razloga što je cijena jedine prihvatljive ponude znatno veća od osiguranih sredstava za ovu predmetnu nabavku.

Član 2.

Stavlja se van snage Odluka o izboru najpovoljnijeg ponuđača broj: 02-11-19553-2/20 od 21.09.2020. godine.

Član 3.

Za izvršenje ove odluke zadužuje se i ovlašćuje Služba kabineta Gradonačelnika.

Član 4.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-19553/20 od 10.08.2020. godine.

Obavještenje o nabavci broj: 1355-1-3-285-3-120/20 objavljeno je na Portalu javnih nabavki dana 10.08.2020. godine i u Službenom glasniku BIH broj: 50/20 od 14.08.2020. godine.

Procijenjena vrijednost za predmetnu nabavku iznosila je 760.000,00 KM bez PDV-a.



GRAD ZENICA

Ugovorni organ postupajući po članu 100. stav 3. Zakona o javnim nabavkama, usvaja žalbu ponuđača „UNIPROJEKT“ komerc inženjering d.o.o. Zenica kao osnovanu, grupe ponuđača „INTER-COM“ d.o.o. Zenica i „MEGAGRADNJA“ d.o.o. Zenica kao djelimično osnovanu, i ponuđača „ALMY GRADNJA“ d.o.o. Zenica kao djelimično osnovanu, a što je detaljno obrazloženo u Zapisniku o ocjeni ponuda III, broj: 11-11-19553-15/20 od 02.10.2020. godine.

Ugovorni organ odbacuje ponude ponuđača „UNIPROJEKT“ komerc inženjering d.o.o. Zenica, „ALMY GRADNJA“ d.o.o. Zenica, grupe ponuđača „INTER-COM“ d.o.o. Zenica i „MEGAGRADNJA“ d.o.o. Zenica kao neprihvatljive, a u skladu sa članom 68. Stav 4) tačka i) Zakona o javnim nabavkama.

Ponuda ponuđača „ALMY GRADNJA“ d.o.o. Zenica se odbacuje iz sljedećih razloga:

Ponuđač „ALMY GRADNJA“ d.o.o. Zenica nije ispravno popunio specifikaciju u sljedećim dijelovima:

- u dijelu ELEKTROINSTALACIJE – JAKA STRUJA – 1. RAZVODNI ORMAR – dao je ukupnu cijenu za komplet, ali ne i za pojedinačne stavke koje ulaze u komplet.
- u dijelu ELEKTROINSTALACIJE - SLABA STRUJA – X INSTALACIJA KOMUNIKACIONE MREŽE - dao je ukupnu cijenu za komplet, ali ne i za pojedinačne stavke koje ulaze u komplet.
- u dijelu MAŠINSKE INSTALACIJE – VI SOLARNI SISTEM – Stavka 18. – VR 60/3 – modul za hidrauličko proširivanje regulatora. – ponuđač nije upisao ukupnu cijenu stavke.
- u dijelu MAŠINSKE INSTALACIJE – VI SOLARNI SISTEM – stavka 19. – Nalijegajući sigurnosni termostat maksimalne temperature VRC 9642. - ponuđač nije upisao ukupnu cijenu stavke
- U odjeljku MAŠINSKE INSTALACIJE DIO II RAZVODNA MREŽA ZA GRIJANJE – GREJNA TIJELA: Stavka 3. Nabavka i ugradnja aluminijskih člankastih radijatora sa ventilskim (donjim) priključkom u kompletu sa zidnim konzolama, uzeti u obzir „H“ kutne ventile ponuđač nije dao jedinične, a ni ukupne cijene za kompletne radijatore tj. Za 13 stavki. Ponuđač je popunio cijenu samo za dvije stavke – članci.

Ponuda ponuđača „UNIPROJEKT“ komerc inženjering d.o.o. Zenica se odbacuje iz sljedećih razloga:

- Ponuđač „UNIPROJEKT“ komerc inženjering d.o.o. Zenica, u specifikaciji ponude, na strani 137. ponude, stavka 11. – Nabavka i montaža vodomjerne garniture u zasunskom oknu, komplet sa ventilima i odbojnim ventilom. – Nije ponudio cijenu, nego je upisao JPVIK. Ponuđač nema pravo da u svojoj ponudi vrši izmjene tenderske dokumentacije, te je bio dužan za svaku stavku upisati cijenu.
- Dalje ponuđač u dijelu specifikacije VODOVOD I KANALIZACIJA, dio INSTALACIJE FEKALNE, OBORINSKE SAKROVA – tačka 14. – dio FRO 11 h=1,68m – nije popunio ukupnu cijenu stavke.
- Ponuđač „UNIPROJEKT“ komerc inženjering d.o.o. Zenica dostavio je kopiju diplome za Elvira Smajića o završenom studiju za stjecanje više stručne spreme na građevinskom fakultetu Univerziteta „Džemal Bijedić“ u Mostaru, zvanje inženjer građevinarstva, s kojom ne ispunjava uslove propisane tačkom 3.3. tenderske dokumentacije. Tačkom 3.3. TD zahtijevano je da ponuđač koji bude odabran kao najbolji u ovom postupku javne nabavke je dužan dostaviti u svrhu dokazivanja činjenica potvrđenih u izjavi dokaz da izvođač radova ima najmanje 15 lica angažovanih za izvršenje ugovora i najmanje angažovanog 1 dipl.inž. građevine ili arhitekture sa položenim stručnim ispitom.



- Upotrebne dozvole su izdate 2012. godine, što znače da im je isteklo važenje 2015. godin, s obzirom da se periodično ispitivanje traženih sredstava rada i opreme vrši se najmanje jedanput u tri godine, a u skladu sa Pravilnikom o periodičnim ispitivanjima sredstava rada.

Ponuda grupe ponuđača „INTER-COM“ d.o.o. Zenica i „MEGAGRADNJA“ d.o.o. Zenica se odbacuje, jer nije ispravno popunjena specifikacija u sljedećim dijelovima :

- u dijelu ELEKTROINSTALACIJE - SLABA STRUJA – X INSTALACIJA KOMUNIKACIONE MREŽE - dao je ukupnu cijenu za komplet, ali ne i za pojedinačne stavke koje ulaze u komplet.
- u dijelu MAŠINSKE INSTALACIJE DIO II RAZVODNA MREŽA ZA GRIJANJE – GREJNA TIJELA: Stavka 3. Nabavka i ugradnja aluminijskih člankastih radijatora sa ventilskim (donjim) priključkom u kompletu sa zidnim konzolama, uzeti u obzir „H“ kutne ventile – ponuđač dao ukupnu cijenu za komplet, ali ne i za pojedinačne stavke koje ulaze u komplet.

S obzirom da su tri dostavljene ponude neprihvatljive u skladu sa članom 68. Stav 4) tačka i) Zakona o javnim nabavkama, a cijena jedine prihvatljive ponude ponuđača “NEIMARI ŠERIĆI” d.o.o. Zenica znatno je veća od osiguranih sredstava za ovu nabavku Ugovorni organ poništava postupak javne nabavke u skladu sa članom 69. stav 2. tačka e) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem ugovornog organa: Grad Zenica, Služba kabineta Gradonačelnika, Trg BIH 6, 72 000 Zenica, u roku od 10 (deset) dana od dana prijema Odluke. Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu. Žalba se podnosi neposredno Ugovornom organu u pisanoj formi.

Broj: 02-11-19553-4/20

Datum: 02.10.2020. godine

DOSTAVLJENO:

- 4 x Ponuđači
- 1 x Služba kabineta Gradonačelnika
- 1 x Tenderska dokumentacija
- 1 x a/a



GRADONAČELNIK:

Fuad Kasumović